

BOSNIA AND HERZEGOVINA  
FEDERATION OF BOSNIA AND HERZEGOVINA  
**MINISTRY OF TRANSPORT AND COMMUNICATIONS OF  
THE FEDERATION OF BOSNIA AND HERZEGOVINA**

**Broj:03-02-2-912-1/24**  
**Mostar, 29.04.2024.godine**

**- PREDSTAVNIČKI DOM PARLAMENTA FEDERACIJE BIH**  
**n / r Sanel Kajan, poslanik**

**- PREDSTAVNIČKI DOM PARLAMENTA FEDERACIJE BIH**  
**n / r sekretar**

**- VLADA FEDERACIJE BIH**  
**n / r dr.sci. Edita Kalajdžić, sekretar**

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primljeno: 07-05-2024

Org. jed.	Broj	Priloga	Vrijednost
05/1	- 02 -	185	124

**PREDMET:** Odgovor na poslaničko pitanje

*Veza: Akt Vlade Federacije BiH broj: 03-04-729/2024 od 09.04.2024.godine.*

U vezi sa poslaničkim pitanjem koje je postavio poslanik Sanel Kajan, u kojem se traži objašnjenje procedure prijema Doris Čuljak na radno mjesto državnog službenika u Federalnom ministarstvu prometa i komunikacija u Kabinetu ministra, dajemo sljedeći **O D G O V O R:**

Javni konkurs za popunu upražnjenih radnih mjesta državnih službenika u Federalnom ministarstvu prometa i komunikacija - stručni savjetnik za analitičke poslove u Kabinetu ministra i stručni saradnik za pravne poslove u Sektoru pravnih i općih poslova objavljen je na stranici Agencije za državnu službu Federacije BiH dana 30.11.2023. godine, a u Službenim novinama Federacije BiH 06.12.2023. godine. („Službene novine Federacije BiH“, broj: 94/23).

Agencija za državnu službu Federacije BiH provodi konkursnu proceduru u skladu sa Pravilnikom o pravilima i postupku provođenja javnog konkursa i postavljena državnih službenika u organima državne službe Federacije BiH („Službene novine, broj: 13/19), a koji je donesen na osnovu Zakona o državnoj službi u Federaciji BiH („Službene novine Federacije BiH“ br. 29/03, 23/04, 39/04, 54/04, 67/05, 8/06, 4/12, 99/15 i 9/17- Presuda Ustavnog suda FBiH broj: U -13/16).

U predmetnom Pravilniku detaljno su opisana pravila i postupak provođenja javnog konkursa koji u skladu sa svojim nadležnostima isključivo provodi Agencija za državnu službu Federacije BiH.

Vezano za pojašnjenje o posebnim uslovima za radno mjesto - Stručni savjetnik za analitičke poslove u Kabinetu ministra, ističemo da su isti propisani Pravilnikom o unutrašnjoj organizaciji Federalnog ministarstva prometa i komunikacija na koji je Vlada Federacije BiH svojom odlukom dala saglasnost, a prije toga je predmetni Pravilnik dobio sva potrebna mišljenja o usklađenosti od Ureda za zakonodavstvo i usklađenost sa propisima europske unije, Federalnog ministarstva finansija i Federalnog ministarstva pravde.

U skladu sa članovima 13. i 14. Pravilnika o pravilima i postupku provođenja javnog konkursa i postavljena državnih službenika u organima državne službe Federacije BiH, Agencija za državnu službu Federacije BiH je utvrdila i dostavila Federalnom ministarstvu prometa i komunikacija Listu uspješnih kandidata za popunu radnog mjesta: Stručni savjetnik za analitičke poslove u Kabinetu ministra - 1 (jedan izvršilac) **na kojoj je samo jedan uspješan kandidat – Doris Čuljak**. U skladu sa članom 16. ranije navedenog Pravilnika, Ministarstvo je uputilo Agenciji za državnu službu Federacije BiH zahtjev za mišljenje o postavljenju imenovane kandidatkinje na radno mjesto : Stručni savjetnik za analitičke poslove u Kabinetu ministra.

Nakon pribavljenog mišljenja, federalna ministrica prometa i komunikacija donosi rješenje o postavljenju državnog službenika na gore navedeno radno mjesto u skladu sa odredbama Pravilnika o unutrašnjoj organizaciji Federalnog ministarstva prometa i komunikacija.

Iz svega navedenog jasno je da su neosnovani navodi u vezi provedene procedure, obzirom da je provođenje konkursne procedure u zakonskoj nadležnosti Agencije za državnu službu Federacije BiH.

Obzirom da član 19. stav 1. tačka e) Zakona o državnoj službi u Federaciji BiH ("Službene novine Federacije BiH" br. 29/03, 23/04, 39/04, 54/04, 67/05, 8/06, 4/12, 99/15 i 9/17- Presuda Ustavnog suda FBiH broj:U -13/16) propisuje da državni službenik ne može biti član upravnih i drugih odbora političkih stranaka i ne smije slijediti upute političkih stranaka, u nadležnosti Agencije za državnu službu Federacije BiH je da utvrdi da li u predmetnom slučaju postoji nespojivost sa dužnostima državnog službenika.

Tokom pripreme odgovora na ovo poslaničko pitanje okončana je predmetna konkursna procedura koju je provela Agencija za državnu službu Federacije BiH, te se iz toga zaključuje da imenovana ispunjava sve uslove propisane Zakonom o državnoj službi, pa tako i one propisane članom 19. stav 1. tačka e) istog Zakona.

Dostaviti:

- Naslovu
- Evidencija
- Arhiva

